

# Službene novine Kantona Sarajevo, broj 9/19

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 96. stav (4), u vezi sa članom 104. Zakona o srednjem obrazovanju ("Službene novine Kantona Sarajevo", broj 23/17), a u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), ministrica za obrazovanje, nauku i mlade Kantona Sarajevo donosi

## PRAVILNIK

### O IZMJENAMA I DOPUNAMA PRAVILNIKA O VOĐENJU PEDAGOŠKE DOKUMENTACIJE I EVIDENCIJE U SREDNJOJ ŠKOLI I DOMU UČENIKA

#### Član 1.

U Pravilniku o vođenju pedagoške dokumentacije i evidencije u srednjoj školi i domu učenika ("Službene novine Kantona Sarajevo", broj 4/19), u članu 11. stav (13) brišu se riječi: "sekretar škole".

#### Član 2.

U članu 14. dodaje se stav (6) koji glasi:

(6) Za tačnost i rokove upisivanja podataka u matičnoj knjizi doma učenika odgovorni su direktor škole i odgajatelj.

#### Član 3.

U članu 33. u stavu (1) tačke a), b), c) i d) se brišu i dodaju se sljedeće tačke:

"a) opće podatke o učeniku;

b) podatke o roditeljima/starateljima;

c) vrstu škole, razred i zanimanje/izbornu područje u koji se učenik upisuje;

d) mjesto stanovanja i

e) podaci koje popunjava škola".

#### Član 4.

U članu 42. stav (1) tačka k) dodaju se između riječi: "izdavanja i tačka-zarez" sljedeće riječi: "i djelovodni broj".

U članu 42. iza stava (4) dodaje se stav (5) koji glasi:

(5) "Obrazac uvjerenja o postignutom uspjehu u prvom polugodištu za modularne programe SŠ16a štampa se obostrano."

#### **Član 5.**

U članu 43. iza stava (3) dodaje se stav (4) koji glasi:

(4) Obrazac svjedodžbe za modularne programe SŠ17b štampa se obostrano.

#### **Član 6.**

U članu 46. stav (2) se briše i dodaje novi koji glasi:

(2) U centralnom dijelu obrasca svjedodžbe i diplome iz stava (1) ovog člana nalazi se znak grba Bosne i Hercegovine, te u donjem dijelu obrasca hologram sa natpisom Bosna i Hercegovina napisan u redosljedu četiri puta, a u obrascu svjedodžbe SŠ17b hologram sa natpisom Bosna i Hercegovina napisan u redosljedu četiri puta, nalazi se na drugoj strani u donjem dijelu obrasca.

#### **Član 7.**

U članu 47. stav (2) briše se tačka f), a dosadašnja tačka g) postaje f), tačka h) postaje g), tačka i) postaje h) i tačka j) postaje i).

U članu 47. u stavu (3) između riječi "ocjenama i tačke" dodaju se sljedeće riječi:

", a štampa se obostrano na propisanom obrascu "

#### **Član 8.**

Član 55. postaje stav (1) člana 55.

Iza stava (1) dodaje se stav (2) koji glasi:

(2) Uvjerenje iz stava (1) ovog člana štampa se na obrascu SŠ32, koji je sastavni dio ovog pravilnika".

#### **Član 9.**

U članu 56. iza stava (2) dodaju se stavovi (3), (4) i (5) koji glase:

(3) Sadržaji objavljenih obrazaca SŠ16a, SŠ17b i SŠ19a mogu se razlikovati od objavljenih u ovom pravilniku u zavisnosti od nastavnog plana i programa, broja nastavnih predmeta i broja modula.

(4) Sadržaji objavljenih obrazaca SŠ1, SŠ1a, SŠ1b i SŠ1c mogu se razlikovati od objavljenih u pravilniku u zavisnosti od nastavnog plana i programa u broju nastavnih predmeta.

(5) Iz tehničkih razloga, odnosno mogućnosti organiziranja štampanja obrazaca u materijalnom obliku, u školskoj 2018/2019. godini pored obrazaca utvrđenih pravilnikom, u školi se mogu koristiti i odgovarajući obrasci koji su važili do dana njegovog stupanja na snagu, što obezbjeđuje postepen prijelaz ka primjeni ovog pravilnika, a time i odgovarajućih obrazaca.

#### **Član 10.**

U uputstvu o vođenju matične knjige u obrascima SŠ1, SŠ1a, SŠ1c, brišu se riječi: "Redoslijed predmeta u matičnoj knjizi upisuje se istim redom kako je u nastavnom planu i programu odgovarajuće škole",

i zamjenjuje se riječima:

"Redoslijed predmeta u matičnoj knjizi upisuje se iz nastavnog plana i programa odgovarajuće škole".

#### **Član 11.**

U uputstvu o vođenju matične knjige u obrascu SŠ1b, brišu se riječi: "Redoslijed predmeta u matičnoj knjizi upisuje se istim redom kako je u nastavnom planu i programu za određeno zanimanje odgovarajuće škole",

i zamjenjuje se riječima:

"Redoslijed predmeta u matičnoj knjizi upisuje se iz nastavnog plana i programa za određeno zanimanje odgovarajuće škole".

#### **Član 12.**

U obrascima matične knjige SŠ1, SŠ1a, SŠ1b i SŠ1c u dijelu "Osnova upisa: " između riječi: "svjedodžbe, odnosno Rješenja o ekvivalenciji" dodaju se riječi: "datum izdavanja".

#### **Član 13.**

Obrasci: SŠ12, SŠ16, SŠ16a, SŠ17, SŠ17b, SŠ18b, SŠ19, SŠ19a, SŠ21, SŠ21a, SŠ29 se brišu i zamjenjuju se obrascima: SŠ12, SŠ16, SŠ16a, SŠ17, SŠ17b, SŠ18b, SŠ19, SŠ19a, SŠ21, SŠ21a, SŠ29 koji su sastavni dio ovog pravilnika.

#### **Član 14.**

U obrascu SŠ25 brišu se riječi: "Odgovorno lice" i zamjenjuje riječima: "Direktor škole".

#### **Član 15.**

U obrascu SŠ26 brišu se riječi: "Odgovorno lice" i zamjenjuje riječima: "Direktor škole".

#### **Član 16.**

Ovaj Pravilnik stupa na snagu danom objavljivanja u "Službenim novinama Kantona Sarajevo".

Broj 11/04-02-3647/19  
18. februara 2019. godine  
Sarajevo

Ministrica  
Mr. **Zineta Bogunić**, s. r.